

行狀下

誄

祭文

樂全集

十四
十五

朴東亮
洪聖民
安裕
金尚容

樂全堂集卷之十四目錄

行狀

錦溪君朴公行狀

益城君洪公行狀

晦軒安先生名行記

右議政金公謚狀

卷之十五

誄

黃府尹袞誄

祭文

祭東岡李先生文

祭亡室貞泐翁主文

祭芝峯李先生文

祭村父叅判公文

祭李舅參判李公文

祭判書潘公文

祭判書徐公文

祭延陵府院君李公文

祭吳敬甫文

祭西平府院君韓公文

祭錦洲君朴公文

祭黃文敏公書院文

祭錦溪君朴公文

祭晉昌君姜公文

祭鄭德餘文

祭左議政李公文

祭領議政吳公文

壯節公鐵像祠宇重修祭文

祭觀察使洪公文

祭金參判文

祭吳承旨文

祭李留守文

祭睦叅判文

祭李相國文

祭尹監司文

[Faint vertical text columns, likely bleed-through from the reverse side of the page]

卷之三
目錄

卷之三
目錄

然其想曰矣以文

其亦何能備補

其亦何能備補

其亦何能備補

其亦何能備補

其亦何能備補

其亦何能備補

其亦何能備補

其亦何能備補

樂全堂集卷之十四

行狀

錦溪君朴公東亮行狀

嗚呼梧窓公罹罔遷謫餘二十年幽枉

未白遽就空

窆其孤瀟等血泣遑遑靡所逮及間具履行系牒屬


翊聖為狀狀未成而瀟等候上幸陵纍然扶服伏

道左上章叫寃章下所司叅對前後獄詞讞覆以詳

以為故臣某寃狀如瀟等言請宜昭雪上特詢大

臣領議政尹公昉左議政吳公允謙洞辨其誣上

再命領敦寧府事金公尚容昇平府院君金公瑩議



又如兩相議久之 上以手批論其得失而旨委
曲依大臣議施行公議伸矣澤至渥矣公可以瞑矣
謹按公諱東亮字子龍梧窓其號也朴氏系出羅祖
羅社既屋諸朴散居四方而受籍於潘南者為最大
潘南後隸羅州其可譜者曰密直副使秀秀生判典
校寺事尚衷尚衷事高麗恭愍王有師道直節抗言
附元裔倍皇明之非杖流道卒寔生嘗佐我 獻陵
著勲勞位左議政錦川府院君謚曰平度屢傳至尚
州牧使 贈吏曹判書林宗林宗生吏曹正郎 贈
議政府左贊成兆年兆年生司諫院司諫 贈議政

府領議政紹紹以文學見重於己卯諸賢引寘薦科
乃就恒試占魁甲入臺垣秉正不撓卒為權壬所整
廢斥而死有丈夫子五人皆賢而貴三代之贈實國
舅潘城府院君應順推恩也其笄四出曰司憲府
大司憲應福質行忠樸世稱長德聘贈承旨林九
齡之女生公公於序亦在笄四公自在孩提穎拔出
群識量類成人三歲染痘幾殆能強進瞋眦之劑稍
長受書不煩課讀九歲夜寢忽遇暴雨起整衣坐
誦古人必變之節以自警人咸異之從諸父廬墓先
意奉承執事敏恪世父牧使公應川家法素嚴且有

鑑識設問以觀公志公對輒當理期以遠到纔成童
文譽藉甚十七發解自是試輒高等己丑中生負庚
寅釋褐辛卯分隸承文院補權知正字俄薦藝文館
檢閱序陞待教奉教是年秋日本書契詩甚宣廟
御朝引群臣論奏聞當否公以史官秉筆入侍大
司憲尹斗壽力請奏聞左相柳成龍執不可奏
諸臣互相和附辭說紛然日晏乃罷而記注者不能
記一語及上徵注書記注承旨強索公所草以進
收錄詳盡上認之曰此翰林書經筵位次筆也
時機括日甚善類迸竄公與崔沂僅備左右史議薦

李公廷龜憲府遽勅李公削薦而并及舉者崔沂緘
辭頗涉推諉而公乃盛言李公才地合薦竟以是罷
免冬叙復奉教壬辰正月陞戶曹佐郎尋移兵曹四
月倭寇大至將士出征兵甲轉輸皆取辦於公公應
副無缺 西狩之舉出於倉卒天又大雨夜四鼓下
公隨 駕暮抵坡州路且百里上下餒乏 上為小
留公與同舍郎一人發橐茹糗追至則 駕已渡臨
津船艤北岸雨令鑿沈津船東岸只有一船篙工挨
拖離岸丈餘公望見舟中有憲官列坐一躍而登一
手拉倒篙工一手援同舍郎入船相趣而進夜已深

矣。上獨御單舸環衛散亡無復威儀。命公同都承旨李恒福召收擔夫公手一炬行且呼得夫六十人以報。車駕始成行公失馬與同舍郎并騎一驛馬始達東坡至松都公與判書金應南直宿行宮衛卒夜驚大噪金公亦倉黃驚喚排門欲出公力持之良久乃寔服公膽勇兼帶備邊郎五月拜司諫院正言大臣以備邊事重啓通正言仍兵曹。駕留平壤月餘臨津師潰賊鋒日逼。宣廟召群臣議去住皆以咸興可往公以為我往寇亦往與尹公斗壽李公幼澄請守沮江爭之不得平壤民粹聞。大駕將出

相率遮路叫噪亂擊曰棄我而去是殺我也寧死於
駕前毋飽賊刃公入見承旨謂民情如此須姑停行
慰諭然後方可發也遂稟經書停行字揭示亂民稍
退 駕次寧邊決渡遼內附計 命光海奉 廟社
主分朝大小臣僚先已遁去者多分朝之後扈從
大駕僅僅十餘郎屬止公一人公既縮六曹通符又
兼備邊郎春秋館漢學教授內乘等職至博川天黑
樹密前衛單甚公從曹判書李公恒福騎掠 御馬
過領前茅先導 宣廟問知為某某蓋重之大憲公
以老病屬分朝到定州勞絜暴下卧不能起公疏乞

留侍 手批許之賚以成藥大憲聞之蹶然而作疏
陳臣老病不任從 上行不忍臣之子先父而後君
也公遂扈 大駕而發辭決之際悲動左右七月授
吏曹佐郎知製 教十月陞正郎事務轉殷上承下
授手書口酬浚然若神宰相無不器重之 車駕久
住義州天兵出援賊勢小戢朝臣之散去者稍稍來
集醜正之徒窺覲媒進或投疏或進 啓陰嘗天心
以基當事者論議憤激勢將波及於李文翼公德馨
金相應南等數公公在銓地持平其間務在鎮靜擬
授李文翼以都憲喜事者滿不悅公遂謂告不出先

輩長者如梧陰藥圃諸公貽書勸駕而牛溪先生書
最為宛篤至躬自過存勉以世道之責義州為狹耶
都會從行朝士久客經歲自非篤老胥不免狎遊公
鄙之非公事未嘗造請昏夜則輒閉門不出癸巳五
月移成均館直講七月復吏曹公素習華語從上
接對天將日或十餘遭每當酬酢悉咨於公恩
意款密有若家人父子公嫺於辭令敏於周旋天
將無不自屬之十月回鑾次海州承旨缺超公八
階授之公聞命震惕彖辭不許序至左承旨時年
二十五矣甲午遍授護軍兼承文院副提調轉刑曹

叅議兵曹叅知秋拜都承旨以知申地望崇重非年少所宜擬不拜復授刑曹俄拜叅知乙未以接伴使赴義州冬以病還拜兵曹叅議丙申移戶曹相臣啓授備邊司副提調為公特設也力辭獲解以成均館大司成充冬至使朝京師丁酉復命拜兵曹叅議倭警復急中殿出次遂安公以兵官扈行用宗室攝摠管宣傳官糾率侍衛夜濟麻田前津夜深船小宮人相失公杖筮指麾賴以利涉冬以都承旨召還聞朝廷將南下堤川策應天兵而謂天將實欲挾上戎行從臣之與選者咸有懼色公拜疏請

從戊戌加嘉善階賊報稍緩為親老乞郡得延安府
使為政數月吏民稱神明七月大憲公病不起與二
兄從治命返葬于揚州先塋以寇亂未靖奉凡筵及
林夫人寄寓於安州村舍庚子移駐延安六月 懿
仁王后上昇公扶衰赴臨九月公除以護軍兼總管
入朝以大臣不能鎮定妖說 山陵之役愆期未就
疏論之俄拜大司憲糾正官邪臺端肅然辛丑移吏
曹叅判一意慎簡必先春宿尋以同知春秋館事奉
安國朝實錄于妙香山兼同知 經筵事還拜禮曹
六月出為京畿觀察使病欲辭遍 宣廟遣御醫賫

藥餌輟御厨以 賜之至冬而蘇遂具疏與牋陳謝
且乞郡 宣廟讀至牋文與死為隣莫保蟻命可生
之道專荷鴻恩之句諷詠良久曰對偶語意俱極切
當斯人雖久病精神不減 手批勉以將息不許外
補壬寅春 詔使淮境賂金之窳大啓民不堪命拜
公京畿觀察使措處獲宜得華人歡而民力用紓一
道稱之幕官欲行非道見沮於公反造言中之公乃
辭通拜禮曹叅判冬出為江原道觀察使巡歷之餘
遍訪名區携一二布衣故人觴咏甚適過寧越郡醜
魯山墓暨納節侍 經席進啓魯山之墓香火久斷

斧斤不禁 中廟嘗遣承旨申錡致祭宜舉廢典
宣廟亟遣承旨祭之秋拜都承旨遞拜戶曹俄移兵
曹甲辰錄扈 聖宣武靖難三功臣公建議吾輩執
羈勒者猶謂之功出生入死辛勤戎馬者勞績何翅
萬倍宜加錄武將以慰戰士心識者避之已錄正勲
當收原從公兼縮扈從宣武兩局宣武則水陸征戰
請援輓漕接應 天將顓 奏祈 恩色目如毛真
贖混淆彌訴填咽文簿輻輳公曲加辨別取舍不紊
胥服其公明時偉相首發上 尊彌之議政府察百
僚伏閭而請 宣廟執搗謙久而不許首揆尹承勳

欲目此停論而未決一日公以公事詣尹公筭尹公
以是諾公公曰此為大段義理相公何難而持難至
是翌日尹公赴朝堂集諸宰詢之言人人殊公適後
至促召問之公笑曰但觀義理所在處行之何用問
為公之所謂義理特申昨日之論以勉夫斷偉相嗾
臺官劾首揆而反以公義理之說為証案公耻之遂
引入七月始行功臣封賞 賜公忠勤貞亮効節協
策扈 聖功臣之誦超階資憲封錦溪君兼知春秋
館事未幾拜議政府右叅贊夏拜戶曹判書挈舉財
本綜理微密欲定經費量入為出之式遽拜平安道

觀察使無都巡察使以去林夫人曾隨仲子黃州牧
任所姪子守信川來往有煒至公按節關西路繇黃
岡以板輿移奉箕京相距不三舍而近適進稱壽兒
孫滿前樓觀江湖遊踪殆遍魚軒每出士女爭觀世
稱盛事公裁決酬應沛如江河不勞神觀事無愆滯
雖盤錯交值未嘗皺眉程士校武興起成就館穀賓
客周濟親舊情文俱至各厭其意斥絕私干賄竇遂
塞巡閱邊徼延訪疾苦弭節亭障輿滯賑急深冬警
備之辰積冰於要害之地一如天朝冰城之制堂
姪煒為府庶尹赫赫著治聲而性酷睿殺公檄致之

立庭下為杖首吏而猶不後則 啓罷之節度使成
允文結援偉相鷲而橫擅自分定於列邑督徵銅鐵
其妻弟殺人亡匿其營中公發吏搜捕移繫他邑且
詰擅自分定之故俱自首伏列其實狀以聞允文竟
絀邊氓獲蘇丁未秋秩滿復勲封戊申 宣廟棄群
臣公為守陵官精白將事敬戚交至唯以太夫人年
高思慕鬱結寢食為損十二月林夫人以疾棄養於
仲子忠州牧之衙舍公徒跣出陵外呼天擗踊以候
朝旨朝議不許逋而光海特許之政院執不下公聞
逋音奔去不二日達忠州已而有旨促還公處齋室

不出外廊方喪天喪兼致其極太夫人將葬公拜疏
視窆而還己酉 宣廟初暮進階正憲秋用拜 陵
恩進階崇政庚戌 宣廟再暮進階崇祿馳歸太夫
人喪次與二兄守制辛亥服闋復勲封尋兼判義禁
府事五衛都摠府都摠管鄭仁弘疏詆退溪晦齋兩
先正大臣師儒連章爭辨而公疏最切直上下交憾
壬子三月鳳山倅申慄捕得金濟世者賫以禍福誘
使自伏以與前博士金直哉父子謀逆馳遞上之濟
世者本行丐倫兒流轉兩西圻輔之間籍人姓名註
謬無據西平壤人前府使金台佐正字田闢嶺南人

前觀察使鄭經世京城士大夫丁好恕丁好善丁好
悌崔有海等咸被逮濟世謂與丁好恕謀逆乃在某
年某月公即言好恕其時赴京承旨洪瑞鳳亦言臣
為使臣好恕為書狀官辭朝復命日月可考濟世語
塞而曰是好悌非好恕也公又曰大臣之問言金台
佐篤老沈病田闢早捷大科名聞西方又言崔有海
年少儒生不閑吏文直須以口語置對公雖不敢遽
白諸人之寃其痛惻而至隱之者不復自閱李爾瞻
以大司憲與公分席偶伏睨睇者累矣翌日光海下
教曰人臣護逆宜同逆律判義禁某敢於榻前營救

逆賊其遍金吾爾瞻使其黨趙存道論請拿鞫光海
只命削爵冬叙復勲封癸丑四月朴應犀之獄起應
犀者故相淳之孽產也與徐羊甲革結為死黨出沒
上游殺越人于貨事覺就囚從死求生爾瞻之徒李
昌後與應犀有連乃唆使上告延興府院君金悌男
欲奉永昌大君謀不軌其所排定巧密人無能脫者
先是宣廟賓天之日下手教二通一以昇光海
視同氣如予在時一以昇七宰臣只書姓字柳韓朴
許徐申韓而大君幼冲煩渚等保護以此七臣之目
行而群兇煽備謂閔闇希騫與柳永慶矯作遺教譜

蠱積年賊機垂發而卒發於羊甲之招大司諫李志
完獻納柳活論七臣奉矯旨不即辨明甘心承順削
去仕啟武人鄭浹誣伏廣引公卿大夫有若自上變
者而亦及遺教之說光海始命逮受遺諸臣以與延
興水火相掄為問目公之置對承問目為辭陳其曾
與延興情誼阻隔之狀蓋丁未年閉宣廟寢疾彌
留巫卜謂疾祟在裕陵群往陵下作禳事而宮奴
女巫之主張其事者實裕陵時受恩人也朴氏
闔門必欲正其罪而兩人托臨宮禁有忌器之嫌使
人微諷延興延興不答自此朴氏恨之庚戌公之表

姪李公顯英為持平立捕女巫囚之李公用他事遮
職不果究治及公置對據實指陳本無語犯 宮闈
之端李文忠恒福申承旨應槩洎吾先君亦不以是
為異原公本情可質天日而不幸宮中咀呪之獄繼
起兇賊以 裕陵事滾成一端拈入頌教以為藉口
傍觀者不復究其事之本末生平不相悅者曰起而
下石傳訛爽實遂為禍階公出獄之後捲歸通津田
廬丙辰秋廢 大妃之論復熾以受遺諸臣為注徐
統宋文奎受爾瞻旨投疏請罪鄭造尹訥柳瀟分據
三司合辭請竄五月猶不止光海命中道付處遷牙

山縣辛酉宥還癸亥今 上反正復公勲封時議追
咎癸丑供辭蜚語騰聳至請園籬安置配康津縣公
承譴怡然唯命家人多齋衣衾以備身後而無幾微
見色談笑如平日但飲酒數盃而止曰罪名污蟻極
矣不敢用酒自寬耳乙丑撤籬丁卯量移扶安壬申
內徙忠原癸酉放歸田里十年之間四蒙 宥典公
乃戴恩而歸買墅於西湖徜徉卒歲而神觀精力如
少年時飲啗甚健乙亥二月夜寢忽覺痰壅竟不泐
公生於隆慶己巳得年六十有七某年某月某甲禮
葬于某邑之某原公孝友天植英達夙成服訓家庭

博問多識遇事忼慨膽畧過人當壬辰之難起自郎署驟躡卿班妙年當官作事老成精神所到條達節解廟堂倚以為重君父視如心膂入侍經幄出贊機籌蔚然為中興名臣而尤有雅量濟以忠恕居家接物一於和吳膝下之戲便若孺兒與二兄自為知己填麋莫逆長姊丘嫂事之如母推愛族姍無間親踈撫恤故舊必先愚賤交際之間洞達無礙談論纒纒撤去矜域平生以矯激近名為耻嚴於辭受取予之節而猶恐人知性無玩好雖書籍亦不購求居室蕭然傍無酒槍茶鼎之屬所御一叵羅即上所賜

白金鑄造者也善謔而不至於縱喜酒而不及於亂
早貴絕自驕慢人之念晚阨無佞倖無憊之色在田
里與鄉人處于于然驩笑博奕有野老爭席之趣而
處籬中三載未嘗窺外戶撤籬之後猶閉閤深居淡
然與世相忘而惓惓宗國聞朝政得失輒形憂喜湖
南之俗素稱狡悍而公居之人皆敬服得公片言信
如甲令有事必走謁扣質及其移去莫不出涕遠將
後亦餽問不絕謫中遭長姊及夫人之喪子澠繼亡
羈孤憂戚人理之所不堪而亦能理遣屢遭機辟不
驚不愠曰點檢吾心自無些累俯仰何忤雖文字之

上亦無自辨求知之語而扶寧一編畧述其素蘊而
已嘗以自警編名臣言行錄為律身之本頗有所得
晚取心經近思錄朱子書溫繹者數矣其為詩文操
筆立就以暢達精當為宗能疾書姿媚搶攘之際咨
揭寫本多出公手旁通計美甘石祿命家言少善御
絕塵如飛磬控隨意射亦不習而能云所著放失汾
津錄二卷藏于家公娶左承旨閔善之女驪興望族
高麗名相令謨之後代有冠裳曾祖諱球奉先殿叅
奉祖諱世良承政院左承旨以清直聞於世外祖議
政府右叅贊 贈領議政始林府院君李夢亮承旨

無嗣只育夫人端莊聰睿幼受小學內訓諸書能通
大義在室婉婉有度舅李文忠公每稱女士既歸朴
氏姻戚衆盛合族頻煩而周章其間不妄瞻視穆然
自持而已壬辰之變公常在省治事仍自闕下扈
駕而西夫人以死自矢至邽七箸父母強之數呬而
止且重身病困徒步草澤恒閉口屏卧唯以不自決
為恨賊勢漸熾殆遍峽中同為避地者議欲南歸取
食夫人斷以義理決策西上會公於蘭右其指畫有
丈夫所不能及者承旨公稱其矚於大誼自是轉徙
寄寓無一歲寧居仰事俯育夫人身任之乙未公奉

使龍灣病甚夫人匹馬馳赴中途聞公病少愈即止
不入咸服其達禮洎父母老而疾病奉引起居飲食
藥餌凡所以致其誠者無所不用其極而喪而葬而
祭之咸易中節肥家訓子率有禮意癸丑之禍憂懼
煎熬至癸亥尤甚竟以乙丑五月十有七日卒于康
津謫居少公一年年五十有六男女長成者七人男
長瀟尚 宣祖大王第五女貞安翁主封錦陽尉次
濟文科正郎次濰少具長者度甚有文不勝喪早死
次濱女長適大司成李明漢次適叅奉洪處深次適
叅奉柳省吾錦陽之出曰世橋正郎之出曰世來世

采女幼大司成之出曰一相修撰曰嘉相進士餘幼
洪處深柳省吾皆有所出而并幼公側出男一人亦
幼噫 宣廟養育貽遺彌稱彬彬而至癸丑戊午盡
之一網而受遺諸臣首被逮繫旋加放逐并與先
王手教而謂之矯作其不畏天地鬼神矣雖欲為周
太傅之所為其可得乎一二舊臣之不死於奸賊之
手者獲沾 新化而以公之才之器置諸廟廊其贊
襄之績必能新一代耳目而無妄之當遂至終身挫
闕浚汗之恩始及於身後豈非命也豈非命也翊聖
自在韶甌受公之賜今已種種矣謬當文字之役唯

以無諂無溢為報塞之地惟是立言之君子採擇而為志若銘以賁泉隧云爾

翰忠翼謨修紀光國推忠奮義協策平難功臣
贈大匡輔國崇祿大夫議政府領議政兼領
經筵弘文館藝文館春秋館觀象監事 世子
師蓋城府院君行崇政大夫判中樞府事兼戶
曹判書知 經筵春秋館成均館事弘文館大
提學藝文館大提學蓋城君洪公行狀

公諱聖民字時可姓洪氏自彌拙翁其先籍南陽鼻
祖悅佐麗祖位太師啓慶燾后名德相禪忠平公灌

殉於國難匡定公奎討逆復辟事載史牒入 本朝
有諱敬孫官同知成均館事寔生潤德司諫院獻納
獻納生係貞藝文館待教待教生春卿黃海道觀察
使即公考也用公勲爵 贈公考純忠積德補祚功
臣議政府領議政南寧府院君 贈祖考吏曹判書
贈曾祖考吏曹叅議議政公娶固城君李孟友之女
生公公五歲而李夫人棄世議政公繼娶金氏又有
側室令諸子女自擇孰養公獨孰金夫人曰無母有
母捨母何之議政公異之公於父為養宰安城郡祖
母携公歸方九齡官僅餽以時果公嫌其無名卻不

食祖母訖曰吾有孫矣十三丁議政公憂執制如成人受書於伯承旨公一日悲泣甚承旨公詰之對曰吾受學數月未蒙榷楚此必哀吾之孤也吾是以悲耳承旨公亦感涕益加提誨業日進甫壯為古文詞華問藹蔚庚申明廟御禁苑試士公製居魁唱名之日適有雷震之變論罷一榜辛酉捷進士壯元甲子明經及筭選補槐院乙丑入玉堂為正字移承政院注書俄還玉堂序陞著作博士轉成均館典籍尼於秉銓者議餘一年不調戊辰始拜修撰禮工佐郎薦授兵曹屢踐正言修撰帶知製教庚午賜暇讀

書拜吏曹佐郎癸酉遷副校理直講吏曹正郎陟議
政府舍人應教司諫執義司成宗簿寺正由典翰擢
同副承旨轉左副乙亥以散官赴京請改宗系之誣
指陳明白宗伯据實覆奏撰入會典竣事迴拜大司
諫丙子歷大司成吏曹叅議丁丑仁聖王后疾大
漸命罷乙巳偽勳將草教主文者倉卒不能就公代
為文援筆立成衮鉞森凜人咸歎服歷兵刑工三曹
叅議左副承旨僉知中樞府事宣廟試文臣于庭
公作為第一特躋亞卿秩以寵之授同知中樞府事
庚辰拜慶尚道觀察使嶺南素號豪窟逋稅滋獄獄

疑有十年未決者列邑狴牢皆滿簿牒雲委公巡
輒引訟者甲乙兩造于庭據其供詞而得其情亭
斷不留時無不各厭其意所讞至數百家化理興
行囹圄空虛及瓜例授同知中樞府事兼同知
禁府事改授副提學劄論士流携貳出於疑之一
字且陳上心偏繫處深加規切上手批曰有臣如
此予復何憂公恒以引君當道為己責宣廟嘗論
唐太宗心術不正公進言曰太宗心術固不正能
容直諫致太平今殿下之德誠無讓於三代之君
而若好問一節或有媿於唐宗矣公自帝京還
宣廟問

中朝有何事曰皇帝於臨朝日杖言者而言者繼踵
本朝雖名優待言者而未見直言人君之於言者面
容而心誅之則其害甚於杖之聞者縮頭遷大司憲
移禮曹叅判坐微事免祭未叙復西樞尋為副提學
許筭等劾李文成公珥繩之以矯蹇慢上之罪語極
矯誣 上洞燭其狀竄筭等三臣于絕塞公上劄痛
辨其罔極之讒曰請稍輕其律舉范忠宣此路荆棘
四十年之語物情避之拜大司憲加資憲階蓋以天
朝刊布會典昭雪 本朝宗系而黃廷彥所賫奏文
出公手也乙酉拜京畿觀察使丁亥判禮曹己丑歷

戶刑二曹判書漢城府判尹兼藝文館提學知義禁
府事擢吏曹判書以趙重峯憲擬禮曹佐郎譴免庚
寅拜大司憲先是鄭汝立謀叛事覺株連薦紳其黨
吉三峯未就捕而或者謂三峯即崔永慶別號同僚
欲請鞫永慶公力止之相臣鄭彥信以書札下獄有
一儒生上疏言彥信初聞賊變遽發斬告者之言宜
置之辟 上問其時推官皆依違對不實公斥言首
相欺罔不直狀遂忤旨以特旨出為慶尚道觀察使
時倭酋秀吉篡君自肆其凶威方謀倣道犯上國之
計遣使贖之 朝廷亦不得倡言絕之待其使燕飴

踰制公謂宣慰使曰國有定禮禮亡則國亡今之踰
制非所知也具啓報聞 國家方講和好置邊備於
度外公獨憂之勅州郡修城池繕器械若將對壘者
然且陳水戰便宜不報諸路設機購捕吉三峯甚急
公懼無辜之橫罹置不問及公以勲盟赴召都事得
三峯械治甚酷延逮十餘家至馳驛以聞公道遇而
卻之曰此雖真三峯旣孰囚則待方伯覆實未晚况
未必真者乎還營審覈囚皆嶺以南巨室無實狀遂
白其寃悉釋之策公光國平難兩勲賜誦封君超秩
崇政大夫判中樞府事辛卯士禍大作一時名流無

得脫者公夙負重望被齧景烈初鑄公袂再論遐竄
配咸鏡道之富寧府出城之日上而士夫下而胥徒
涕泣奔走至輟市相送抱川有負魏贖者曰我昔者
金海囚也十年抱枉賴公直之今日之來為報德也
公謝不受李大諫海壽與公同竄北荒詢辭受為之
做法云壬辰夏秀吉大舉入寇大駕西狩特宥公
封君急起之公自謫所艱關踰嶺走江界趨義州謁
上行在首陳改弦易轍恢復可圖又曰欲定非常之
變必有非常之舉奏對堅剴上為之嘉納公以益
城君兼藝文館提學知春秋館事冬聞大夫人喪奔

往數日程而賊入平壤 朝廷定計內附命公起復
辭旨懇迫尹相斗壽亦馳書相勉曰公之此行無及
於已死之母而庶可以共死於將亡之國公痛哭赴
朝拜弘文館大提學藝文館大提學戶曹判書公露
章袞顛至七八 上不允抑情供職單誠經理餉給
大兵得無缺乏李提督如松擊平壤克之賊遁歸一
日一夜渡臨津勢如破竹而 天兵逗遛不即前
上遣公赴軍前請亟躡賊公血誠陳乞言淚俱迸提
督亦感奮即引兵以東收復京師公復命日乞解職
奔哭 上猶不許相臣啓公袞迫之情然後始許之

公晨夜跋涉扶觀而歸襄奉於先塋處聖守制朝廷
雖還舊都依牆壁而立朝廷訛言胥動如不保朝夕
嚴旨催召無虛月公不獲已扶病入城而姪子得毒
腫傳諸人必死人莫敢近公手自調藥守日夜搽之
人皆勸公避之公不忍捨去竟傳是病不起壽五十
有九公配曰坡平尹氏延安府使曦之女生一男一
女男瑞翼文科叅議女適都承旨金時憲叅議有二
男命者平安道觀察使曰命夏察訪命者之子重普
進士壯元以忠臣之嗣 恩除叅奉公生有異質聰
識邁倫孝友之性實稟于天事繼母色而無違或時

卷之六十一

十一

異筭趨日定省風雨寒暑不少變母亦視之同已出
雖貴顯名呼公如孩兒公事生事死一而無間祭則
輒潔齋預戒憚詭悒懷咸中於度每省墓望墓門泣
行至老不替奉伯承旨公如嚴父友諸姊妹弟姪隆
殺盡其道篤於追遠溯宗派及于先代碑誌傳記
芴搜曲證於史乘子集成慕遠錄以寓慕焉平生簡
素澹泊雍容恬穆於世一切芬華聲色貨利漠然無
一動於中者棟宇欹傾瓶罌懸磬而居之恭然弱冠
立朝樹立卓然所與交皆一時名勝而與栗谷牛溪
兩先生最善正色執列人莫敢犯尤不喜造請追逐

時好強為態色其待權貴若浼所不屑者一捐而已
宣廟母兄河陵君公為姻從求見甚至終不許一接
嘗出避雨道傍訝其間高大問從者知其為河陵筭
冒雨而驅其高介類此而仁愛遜順位崇心下見老
人雖賤必加之禮優於政事才遇錯習解所益皆有
神明之稱而恒持撝謙不自滿倣宗系歸正公功為
多而未嘗發於口洎會典之頒 天子降勅朝廷始
知 宣廟論功大封拜欲以公為元勳 命群下雜
議公謂議者以宗系事往者冠蓋相望先乎我者不
必不如我後乎我者不必不如我我但遇其時耳安

敢貪天功為己力也卒辭而不居君子多之公夙負
公輔望自諫中還當板蕩之際秉畫瘁之義入告出
施叶于輿誦尹相視師南服臨行與僚相議枚卜舉
公屬之初無牴牾卒擢之公亦遽厭人代士論至今
惜之噫本朝濟濟之美莫盛於宣廟朝而論當
時名公卿者或以器業或以治行其品不一而絕俗
之資高世之行文章政事輔以經術入為羽儀出績
屏翰進退榮辱素履無玷推為大雅君子唯公一人
而已公之文章清麗拔越每當製誥操筆而就世稱
經國之手詩亦平鋪脫豁逕所著文集五卷行于世

朝廷將舉公易名之典其孫曾等以家狀屬翊聖曰
願有述也翊聖辭非其任又以益寧相公之命來申
之遂不敢辭謹据系牒兼采國言論次如右

宣授高麗國儒學提舉都僉議中贊修文殿大
提學 贈謚文成公晦軒安先生名衍記

順興之安遠有代序至高麗晦軒先生以儒術大鳴
於世推為東方理學之祖配食孔廡專祠鄉邦其裔
孫應昌譜其世而收其族以先生之功之德能亢宗
燾后爰撫遺事而冠其籍屬筆於翊聖辭而不獲遂
据家牒參以國乘芻采諸家之說書其大者竊取述

而不作之義俾後之攷信焉謹按先生諱珣初名裕
避本朝顯陵御諱復以裕行初以賢科釋褐事元
宗補校書郎遷直翰林院陷于三別抄之亂以計脫
免王特加獎賞自是歷敷內外俱著廉直之名忠烈
王元年倅尚州捕治女巫之挾神惑衆者自密直司
使出鎮合浦軍民安之忠宣即位拜叅知機務集賢
殿學士尹鷄林及忠烈復位從忠宣入元一日帝令
丞相傳旨曰汝王何不近公主先生曰閨闈之內非
外臣所知亦非所宜問帝曰此人知大體者庸可以
遠人視之耶轉贊成事先生謂宰相之職莫先於教

育人材今養賢庫貯殫竭無以廩士宜令大小官僚
各出銀幣有差子母取息以贍學錢兩府以聞王出
內帑錢穀以助之密直高世自以武弁不肯捐錢公
諭以教條世乃媿服輸貨又以餘貲付博士金文鼎
等購先聖若七十二子遺像并購祭器樂器六經子
史于中國且薦密直副使李愔典法判書李瑱為經
史教授都監使於是願學之士雲集橫經受業蔚有
菁莪之化先生為人莊重安詳動遵禮法以興學養
士為己任嘗憂學校政衰慨然有詩曰香燈處處皆
祈佛簫管家家盡事神獨有數間夫子廟滿庭春草

一四
二五
三六
四七
五八
六九
七八
八九
一〇
一十一
一十二
一十三
一十四
一十五
一十六
一十七
一十八
一十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

寡無人其為教必先以孝悌忠信精思力踐以至高明正大之域訓迪後生寬以有制人有過輒諄諄譬曉改之乃已士以此蓋附之德譽日隆達于元朝宣授征東行省員外郎尋加海東儒學提舉以褒之在相府能謀善斷且有鑑識言人貴賤壽夭多驗金怡白元恒李齊賢皆其所識拔也晚年休致掛晦菴真以寓慕仍自號晦軒蓄古琴一張遇士之可教者必勸之晚年就閒納其土田臧獲供給學徒泮中至今賴之以都僉議中贊致仕忠烈王三十二年丙午九月十有二日易簀春秋六十四謚法道德博聞曰文

安民立政曰成及葬七管十二生徒皆服素王命寫
真置文廟中忠肅王六年己未從祀東廡入本朝
文宗大王下教曰安某子孫永勿屬軍役以表乃祖
之功周慎齋世鵬守豐基即先生講學之地創書院
退溪先生為郡增定學式請賜額紹修命大提學申
光漢為記并錫經籍田民以優之噫吾東方被箕疇
父師之教彌稱小萃而箕氏德衰逆滿阻命三國鬪
爭區域自別羅麗之際竺教大行雖有豪傑之士胥
淪於異端不知有周孔之道晦盲否塞殆千餘年矣
先生生於衰季能尋墜緒一洗蓊蕪廓開正路其為

東方理學之祖者非濫辭也易世之後益示褒嘉之
典枝庶永賴可見列聖右文之意嗚呼盛哉先生世
系雲仍有碑有譜茲不贅焉

右議政金公謚狀

公諱尚容字景擇姓金氏自誦公源又誦楓溪亦稱
溪翁其先安東人鼻祖宣平佐麗祖著勲伐疇庸錫
誦祭于鄉社其後蕃昌世襲簪組有諱永銖司憲府
掌令即公高祖也曾祖曰璠平壤府庶尹 贈吏曹
判書兩館大提學祖曰生海信川郡守 贈議政府
左贊成考諱克孝官敦寧府都正早登國庠歷官外

內晚而家食子姓貴盛壽祿俱隆為世艷稱卒 贈
議政府領議政妣貞敬夫人東萊鄭氏左議政惟吉
之女領議政文翼公光弼之曾孫也以嘉靖辛酉生
公端穎異凡兒稍長已不妄言笑動止自矩識者器
之期以公輔萬曆壬午中司馬在泮宮所從遊皆名
勝而與黃文敏慎契許景深己丑鄭汝立謀叛事發
治獄蔓延適有求言之旨公率諸生上疏極陳明教
化戒濫淫 宣廟下教褒納庚寅除 宣陵叅奉儀
捷巍科首被史薦旋隸槐院新進峻望也公深自吳
退靜以守己洎補史官以親嫌處散壬辰故相鄭公

澈以都體察使開府江華辟公為從事視事兩湖
朝廷遙授公刑曹佐郎兼春秋館記事官亡何相國
受命朝京師金公瓚自體府貳价移授檢察使留
公為佐其除兵曹佐郎司諫院正言在外未行改成
均館典籍以吏曹佐郎始還朝帶知製教坐事免
遇赦叙復吏曹兼世子侍講院司書俄陞本曹正
郎歷弘文館修撰成均館直講以接伴使金晬從事
隨日本冊使李宗城往嶺南明年以弘文館應教為
都元帥權慄從事赴湖南夏改直講明年又從接伴
使張雲翼逆麻提督貴于義州復拜應教兼弼善以

問禮官候陳監軍効于境上明年超拜承政院同副
承旨資格尚淺不當注擬而出於 特命異數也以
左承旨李鐵婚家當避上疏遞改又疏還新階不許
鐵去職而公復受承旨序至左副夏奉表賀 聖節
還以違官程責限罷未幾 特叙為刑曹叅議尋還
承旨辛丑拜大司諫曰召對策邊事公卿滿前公進
曰方今言路杜塞宮禁不嚴皆 聖德之大累治道
之痼病臣請先務內修以立禦外之本 上問不嚴
何事毋敢有隱對曰某囚自負奧力某弁陰蓄節鉞
民庶竊議之必有小人從更為之階梯者乞賜痛斷

上嘉納之又曰災異上劄請勒宮奴釐貢案以紓民
弊辭甚明劄上優荅馮移左承旨轉大司成改兵
曹叅知叅議先是數年朝著相傾敎上兩屏之嚮用
一隊士流有嶺南生醜正者承權奸喙氣謀搃善類
先攻己丑治獄大臣遂開一竅為網打之計偉臣秉
銓恣意斥陟首逐公調定州牧使長子死未葬不顧
西行抵官十日詔使顧天峻崔廷健遽至使體與古
學士不同有急難應副者甚生鬧端一州驚擾公能
勿動追至嘉平成禮而去公不以遷客自處精勤于
職飭學宮隸生徒親加提誨彬彬成就開廢渠灌田

數千頃及佗惠政騰頌成謠報績為一道冠屢蒙賞
賚秩滿駭白擁車道為之枳後追思碑之未數月又
除尚州牧使官舍經亂盡燬公次筓繕治噲然改觀
問民疾苦一於拊循而閭里爭閱細事付之鄉三老
郡中政清居三年以鄉試官同考解圍京使者稍近
嫌舉子噪而出坐是罷歸叙拜判決事即日又除安
邊府使其治如定州而益習吏事尤得民情一境晏
如公有二尊人老病而斥公嶺海之外七年不返者
以偉相之枝未已而主銓者承其旨也物論憤鬱戊
申 宣廟上陟以喪事召還篆 大行銘旌授護軍

改僉知中樞府事又改刑曹叅議山陵畢陞嘉善大夫漢城府右尹轉戶曹叅判兼五衛都摠府副摠管遷都承旨 皇帝遣行人態化賜祭及謚太監劉用頒冊命公職司喉舌克相儉儀 特陞資憲大夫漢城府判尹兼知義禁府事都摠管拜大司憲入對極論宮中巫覡祈禳事請斥遠左道妖術病遞樞府以繕工提調有封陵勞用例加正憲階判刑曹轉判尹癸丑四月朴應犀獄起 先朝重臣名士少獲免者公亦被逮置對明白舉止自若人服其操守堅正已媵屬有考殺者株累坐罷明年叙授護軍丙辰改題

追崇神主加崇政階丁巳相臣孝純受爾瞻指劫百
僚造庭請廢大妃禍焰大熾不與者并論竄殛之
典公亦在遣中改歲不報而其明年議政公捐館舍
夫人孰養子姓洪川縣舍公與諸弟奉几筵寄寓原
州以近定省不毀之年備經危困率禮無愆人以為
難辛酉大夫人卒於尼山縣舍冬扶櫬歸紉議政公
墓甲子服闋拜判敦寧府事李适叛上出狩公州
公以檢察使先驅不之供頓芻募遺丁義粟以佐調
運賊平兼同知成均館事奉命往毛都督文龍營
事綏道拜兵曹判書負荷重寄益勤匪懈坐微文免

別叙護軍轉教府冊封世子太監王敏政胡良輔等
來公膺遠接之任迎于鐵山中貴人素倨簡賓主儀
其索無底公能周旋酬應不失禮意中外主計者亦
有以賴之進崇祿大夫禮曹判書兼同知 經筵事
都摠管 世子左副賓客戊辰春 上遭啓運宮之
喪論禮互異公被旨進喪服而與大臣所講定者儀
節不同論者紛然公遂辭遍拜議政府左叅贊夏以
篆毓慶園銘旌進階輔國崇祿力辭不許於是秩班
三事所帶筵銜去同宮銜去副而公府序坐不便改
本官移樞府兼判禮曹丁卯二月金虜萬餘騎深入

平山 上韋江都公受 命留寄嚴干振戢奸媮捕
犯令者十餘人斬以徇衆城中肅然三月虜要盟而
去 上回鑾進吏曹判書兼判義禁府事秋辭遞移
禮曹庚午年屆七袞例入春老社上章請致仕温旨
勉留再辭不許以 章陵修改不及時譴罷別叙判
敦寧府俄帶義禁府又兼禮曹公以進退大閑為時
勢所奪恒鬱鬱不自得四月以病妻辭解兼局秋又
判吏曹公以李省身李景義曾以言官坐論事久廢
為不可用兩人擬宮僚 上譴責政官罷之辛未正
月別叙司直大拜右議政其爰立也公舅鄭公昌衍

季判書尚憲女壻張維同被卜公益懼威滿逡巡欲
辭避會有上急變者召命臨門乃出視事有士族女
坐咀呪獄三省鞠治公受命審覆而疑其枉上章
持已見固辭按獄仍乞解相職上亟遣近臣慰諭
不已明年正月再以病辭不得請至三月又引入醫
問交道章二十九上始許蓋近世所罕聞也還判
敦寧癸酉復入右揆三讓不許甲戌夏控免遷領敦
寧府事先是叅議俞伯曾上疏力詆相臣羅萬甲亦
極陳時政得失曰有所指斥并被嚴譴公劄陳狂戇
之言宜加寬貸司諫趙綱論左相洪瑞鳳賂馬事

上召問誰受綱不首贅舉左相位汚狀 上欲廷尉
問詢諸大臣公以為朝廷固重臺諫顧未愈於重大
臣綱所言非細事不可不拯右綱者謂大臣護黨公
愈不樂在朝復請致仕章累上溫旨不許公素患風
眩旋暴作 上遣醫診視續賜內劑至十二月十二
日義州告急書至虜大舉入寇已渡鴨江倉卒下
教老病宰臣先出 命尹相昉奉 廟社主詣江都
公隨之在道頓撼疾欲是日撥報賊兵迫松京京師
大震 車駕將向江都未及城門賊騎薄西郊轉入
山城而江都路已隔斷矣賊圍山城半月諸道勤王

師無至者丁丑正月忠清監司鄭世規引兵先至遇
賊軍潰後來諸軍觀望不進城中日益危急江都檢
察以下守臣偷惰動勦不能為戰守備觀者無不寒
心公憂恚特甚奮曰行在受圍日久危在朝夕鄭
世規敗道路皆言已死湖西無主事者江都檢察一
人逆了副使宜往湖西收散卒糾義旅督湖南兵在
後者以鎮軍民之心赴 君父之急機不可緩又言
山城消息不通急募死士問 上起居探賊形勢十
往必有一達臣子之誼豈可束手坐觀乎檢察使金
慶徵於公座謂此事自有主張者非避亂大臣所預

竟不用公言通津倣守金迪報賊大至張紳慶徵皆不信曰唉怯夫江水流漸賊安能飛渡軍事視如他日厥明賊到甲申公馳出津口見賊勢熾張知事不濟還與家人訣詣分司謂尹相曰公則奉廟社以來自便宜處置我則當死於此遂登南城譙樓解所服戎衣授僮人放火自燒意留以為復也公孫壽全年十三時在側命僕掖歸挽衣不去曰當從翁逝當何歸僕亦不去遂同死實正月二十二日壬戌也賊退諸孤覓屍不得乃以是年四月十六日葬衣冠于揚州陶穴里先塋側吳向之原公得壽七十有七

配永嘉權氏戶曹佐郎愷之女領議政轍之孫純德
洲行協于上下內外親悅而歸之年三十三卒追封
貞敬夫人育三男三女男長光炯早歿次光燬府使
次光炫文科叅判女長適翊贊南好學次右議政張
維次郡守李以省庶出男光燭縣監女留守韓仁及
妾次適縣監李應寅次適成後龍內外曾孫多不錄
公為人愷悌誠實容貌粹夷事父母婉曲承意自少
未嘗有忤待諸房如已視其子如己子御家衆有恩
威亦不廢門庭之內穆如也與人處和易無畦畛而
中實毅然有不可奪之志辭受之際稱心以行不矯

飾少時侍王母病不解衣帶者三月以身代親勞晚
築楓溪水石議政公悅其勝肩輿日往來面性喜客
所至無虛席公輒營具擇味以進及佳辰壽節座客
無間貴賤下至伶工伎樂必致款洽以適其意仲房
尚寬溫病死親自棺斂不避疇房尚謇歿大夫人痛
不欲生公恐重傷其意自外歸和色而後見慰諭百
方而自與諸房私痛若喪手之不合二親知也俸祿
半入孤寡貧窮之家家無剩儲患世俗侈靡無度至
於享先以美沒禮非先王制禮之意著祭式以訓子
孫燕居不御采服常食不設盛饌取古人勢不可倚

盡福不可享盡等語書諸座右以寓戒晚年作五倫歌以諺譯令婦孺易曉而頗有益於啓迪焉三入政本不濡滯或坐事經去而蚤自辭退初無戀位意屢長部省金吾凡所斷讞以情輔法不輕為操切一歸於公直忠厚自侍從以至鼎席入告旃厦出與諸公講畫其陰德於小民可著為挈令者不易數在江都日人皆揣其敗或勸公具舟楫備緩急公歎曰主上在圍中安危不可知宗社元孫皆在此萬一不幸有死而已安所倫生蓋公之志素定矣性嗜書無日不開卷多蓄古今書法名畫環列左右為文主辭

達詩亦清腴合度筆法端麗尤工小楷 國家廟主
多公筆篆書華整於諸體各臻其妙為近世名家云
宣廟在宥右文重道尊禮儒臣樂育人材尤培養氣
節濟濟之美於古為盛四五十年間 國家多故克
享報效若責左券或盡瘁於壬丁之難以成重熙之
績或立節於丁戊之禍以扶壽綱常至於忠義之士
翊運靖社皆聞 先王之風而興起者而數三遺老
協贊 新化宰鎮之功蓋亦不小而不幸相繼淪喪
唯公獨存而已老病矣猶能奮發於家國存亡之秋
以深謀遠慮指畫諄至而見沮於豎子知其必敗則

樂全堂集卷之十四
從容取舍以身殉之噫公之死豈偶然哉宋臣張栻
告其君曰欲得伏節死義之臣當於犯顏敢諫中求
之公少事宣廟獨持風裁直言不諱夙著謇諤之
風其時相臣曰其廷諍以鳳鳴朝陽稱之於上前
宣廟改容而許之矣舉世之所期望亦可以想矣噫
公之死可謂不負先王之知而亦可謂不負大臣
之責矣翊聖猥當謬委固辭不獲謹据家狀兼述誦
言者之口不敢為溢辭敢徼節惠之典謹狀

樂全堂集卷之十五

誄

黃府尹 一皓 哀誄

故兵曹叅知黃公名一皓字翼就其先中國人鼻祖
平章事石奇仕高麗受籍檜原三傳至莊武公衡殲
倭南服著威名歷二世而文敏公諱慎事 穆陵為
名臣世所稱秋浦先生文敏之笏曰惕弱冠病歿數
月而遺腹兒生即公也文敏夫人亦生女不育乳汁
未斷文敏痛其笏蚤夭又憇遺孫不保俾其夫人就
產房提抱而歸躬自乳之公既免於懷猶不知非其

出也文敏公亦竟無子上疏請以公為後公於生親
獨子法不當出後而宣廟特許之公遂為文敏公
嗣公生而穎拔異凡兒稍壯警悟才辨不肯屈首課
程文而徃徃綴句饒詞致癸丑文敏公罹罔竄海陬
夫人先逝文敏繼殞謫中無強近之匍匐者公摧擗
哀痛絕而復甦強起治事自襲斂葬祭無少缺而孤
惇藥棘黃氏兩家唯公一人在本生母夫人日夜號
泣懼公之不興也公支憊自力進而慰慈闈退而持
斬處聖執禮踰制見者傷之服闋以任子授雲峯縣
監以書生奄臨民社而治法中窺老吏袖手在官六

暮民甚便之甲子逆适稱兵犯闕公率精銳數千入
援謁上于畿甸上見其部伍齊整嘉歎久之會
元帥諸軍勦滅适之餘黨瓜滿拜水曹郎尋除全州
判官適丁虜難世子分朝南下久駐本州公專任
上下供億支度有方使民不知闔境騰謠有召母之
稱優遷林川郡守益自展布治理流聞而以微事忤
當途者搆誣論劾事久莫白坐廢五六年杜門窮術
不通交游亦不以毫髮見幾微家雖貧必具甘脆奉
親歡夔夔有老萊之風焉自癸丑後絕意塲屋已二
十年所會有增廣試大夫人強之一舉中大科遂踐

臺閣丙子扈 駕入南漢城候 上巡閱伏路左請
得一面要衝為效死地 上獎諭仍命守南城尋以
掌令為督戰御史宵晝乘障與士卒最下者同其苦
一日賊大勢犯南城前驅已傳城堞將士退却公拔
劍驅斫手百餘納瓮城用火具擊賊賊多燒死力士
許攄有逗撓狀公欲手劍斬之攄大呼而進士氣一
倍砲射俱發殺賊大將賊曳屍踊哭而退遂不敢更
犯實公力也出城之議既定 世子戒西行公忼慨
奮憤願從行除公輔德奉 世子出入虜陣治辦行
具聞太夫人自江都奔迸不知所在公上疏乞訪老

母存亡然後入藩乘單舸窮探海澨會于南陽島中
太夫人驚憂致疾氣息奄奄不忍遽離而虜擁世
子以西朝廷已論南城功加公一階補陞朝官改授
他人以輔德公還朝悼前志之未遂上章待罪仍請
追徃死生以之上優批不許未幾調晉州牧使論
者追咎不赴藩罷之公不自辨屏居湖庄己卯起廢
授義州府尹前尹林慶業當兵後有保聚之稱庶事
草創體統不立公挈舉維綱仁拊義摩大西城池館
宇廩庾財賦少而閭閻歲蓋牛馬鷄豚無不照攝櫛
垢爬痒饑食寒燠民愛之如父母嚴之如神明流逋

日集田野盡闢識者以之祖士雅馬申疆界闡津之
禁抑使价橫張之弊清北守令不遵令者譯舌交關
按於事者痛繩之以法公私行李過其境無不約束
謹飭雖藩使不得加以非理此禍端之所以潛滋釀
成者也馬胡棄病駒於本府而倒斃主者割其肉而
啗之非公所知疾公者造言以讒之曰割馬肉而誣
之以此發怒被逮削職俄叙拜兵曹叅知內裡有搬
運之物中官使守門將進牛車於閤門公聞之謂車
輶駕牛折馳道殊非故事雖有上教當執之况中
人何敢直自誦令乎遂寢之自是掖庭省闡聞公入

直爾然母詳以省母辭遞而歸辛巳冬義州人通書
事發先是義州武弁崔孝一全家浮海內附中國久
而始覺公具聞奉教捕其族屬之與知情迹者死者
二人其餘在囚未及論斷而公獲譴公於孝一之族
毫無做貸而孝一外甥曰倣捷寄書孝一其辭甚繁
而汎稱黃府尹恩恤之語不舉名字而潘人移怒竟
歸罪於公嗚呼痛哉公臨死一封書付舊裨呈承政
院知申事手納密匣封進留中不下世莫知疏中
有何辭語或云所言皆國家大計而不及私云公招
獄吏託其老母於數三知舊具言先墓遷改事不啻

丁寧神色如常從容歛膚髮北向拜者四南向拜者
再此辭君與親之禮也上自公鄉下至賤隸皆流涕
失聲都下驚擾久而不定雖深山窮谷婦孺之無知
無識語及公事悲憤咨嗟平生詆公者亦咸媿服
聖上欲拔公於死密諭儉臣為計萬方而無幸則廩
公老母及妻終其身焉公處心行事明白愷悌自期
以伏節死義臨死勇往絕無遲回偷惰之習尤能急
人之急其所傾嚮不以死生貳之家居收貧族共爨
者十餘家有友託孤而亡者鞠而教之視猶己出俾
之成立所淮郡邑咸有遺愛義州之民間公死如悲

親戚編禪之曾從幕下者當公患難殫誠奔走公死
哭之如子房如公者當大任攝大眾可以得人死力
也第不能俯仰於世修飾邊幅一切取名之態以是
擯斥不振卒罹奇禍以死或謂公死於奇禍非由於
此是不然彼捨其重者而必甘心於公則潛滋釀成
非一朝一夕之故也自南城之役素惓公及為義州
察公設施注措蓋惓之而不加之以非理是姑與之
者間亦抵觸而入先以計去其任竟至於殺之乃已
其為謀不偶然也公往義州也余送之西郊有所付
屬不能行公之天性然也噫知公者宜莫如余而公

之遺孤皆公晚出必不能諗公事行余且慄慄凋謝
哭公以來益無意於世深懼歲月之久知公者亦且
不待則亡能述公之績遂叙次其所自出洎履行為
誄繫之詞而哀之詞曰

從古死枉其事不一或死於直或死於節或死於兵
或死於獄雖云蹈正率繇牴觸夫孰如公邂逅罹酷
自作曰禍外至為當視天夢夢網之恢恢三公居右
六卿在左大夫士民森列上下疇不稱冤口莫能辨
衮衮無辜且薙且獮跪稽之恭胆悸骨軟已矣其死
不死之恤吾不哀公哀此徒也吾不悲公悲國痛也

傳之死議是國棄公臨死封章公則輸忠遙拜辭母
母焉能知託母於人不遺孝思既孝且忠死而无怍
達而觀之宇宙冥漠孰吉孰凶孰善孰惡蒙史逍遙
曇迦寂滅雖見之偏而過於哲方知秘阮亦有所激
我巾我車將奚所適青山一曲白雲千里逝波不回
跪丸若矢谷鳥啾啾隴草菲菲王孫一去曷日而歸

祭文

祭東岡李先生

恒補

文

噫君子任世道之責者必當天下之至難至變幸而
尊主而成名不幸捐軀而殉節若孔明之盡瘁文山

之成仁皆當天下存亡之幾任天下綱常之重者而
孔明不能復漢室於垂亡文山不能紹宋祚於既絕
成敗之數一係於天固不足論也藉令漢室重光宋
祚再紹不過為一時之烈也以一人之身贊襄時難
恢中興之大業片言正君樹百代之綱常如公者蓋
未之聞也壬辰之西狩龍灣顧不如益州之偏安時
之至難也先生方執中兵之旂握帷中之籌轉危而
安拯亡而存可謂建天下之殊勲矣致身於危難之
際易立節於論議之間難十餘年來國家多事釁故
滋起事之至變也先生居大臣之位不失其令名而

卒能抗雷霆不測之威武扶大東幾熄之倫彝可謂
任天下之綱常矣大節已立大功已昌先生之道可
以質諸鬼神而無疑百世以俟聖人而不惑者也何
遽棄斯世馭氣乘飛超然於無何有之鄉乎於乎先
生視今之世道為如何哉志士不得伸其堂堂之議
忠臣不得奮其拳拳之誠天地否塞日月晦盲後死
之民而誰與程一杯為辭輪坎長冥靡其及矣於乎
先生

祭亡室貞泐翁主文

亡室翁主發引之期祗隔數日東陽申翊聖用是年

十二月壬子命僕治具執酌長慟奠以告之曰辛勤者契活而棄之若遺愛育者諸子而棄之若遺所尊者老親踊哭奠之而昧昧不省所憐者孩兒失乳呱呱而昧昧不省噫形雖化矣神即有知神若知必能格余之誠而聆余之言也君之所嘗辛勤愛育者所尊所憐者都付之吾身而瞑然長逝者何歟數年以來吾衰甚矣肉日以脫髮日以白春夏而後眠食尤減君嘗虞余之或病勉以節飲間出仍又自詫曰以吾食益甘氣益蘇肌膚亦勝昔矣言未數日君病忽作病已孰矣猶自謂此疾數日可瘳今胡遽至於

斯也耶君固不自知也君嘗恃精神筋力之有過人者過於自用而卒至於斯耶抑君之長美局於短造耶實余之不肖積愆成殃有以致之非君之故也余與君豈惟伉儷之誼牀笫之間有朋友箴儆之益患難之際見平生素履之貞隨事而規若苛而恭見可而勉所助者大以君之懿卷而懷之一木塊然扣之不應斯豈人理之所可堪也君謂余否恭相乘吾窮久矣今當以亨儆我十數年吾子吾女婚嫁畢矣此亦人間之福也造物者忌盈天理之忒乃至是耶宗祀之重吾誰與共子女之婚吾誰與共悲歡吾誰與

共起居吾誰與共從今以往為生樂否蓋可想已君
逝之後忽忽無生意而上念老親下逮兒曹又以君
襄事未卒強飯自抑綜理庶事殮君之數日招吾冢
婦與吾長女介婦若君之平日所左右婢僕閱君之
遺帑無論細大籍而置之君之欲為靈兒之婚需者
篋而藏之別所凡君之管鑰畱記皆付之冢婦竢君
入地之後以家政悉委之吾兒吾婦量入為出撫御
衆庶一如君在時無墜君之志也黃氏之婚約以待
時說兒終兒令筭義昌提挈以歸以義昌之高義其
夫人之賢撫而育之不啻若已出庶望其長成也則

君之含結於冥冥者可以紓矣。聖明隱卒崇終之
恩天地罔量冢宰紀德埋窆之文百世不朽余亦為
君驅馳數百里間卜藏於廣陵之東幽隧之制虛其
右偏為他日同歸之地料吾之衰其何能久於世久
數十年短或時月耳與君離者無何而合者無窮期
矣達而觀之先後徃耳涕之無從聲之失常有不期
然而然者矣一座蒲團茶爐經卷為余終身之計冷
澹生涯吁亦命矣噫君昔飲食我者而今余設飲食
而饗君者詎非人事之變也嗚呼痛哉

祭芝峯李先生 晦光文

噫小子何以頌先生也後之欲知我事行觀我狀伯
氏者程姤子之言吾父生平唯先生為知心迹無貳
先生誌吾父墨未乾而先生棄世焉小子何以頌先
生也斬然者孤天之降割於兩家者偏而抑天非無
意於其來與去則不可謂適然也天不可問而人理
索矣噫小子亦安倣而周旋矣

祭姤父叅判公文

嗚呼姤父乃今棄小子而歸也耶小子何所恃以為
生乎小子少姤父十有九年則晚出矣姤父之提挈
煦煦不啻已出小子之依戀懷慕亦猶父母幼而彌

呼嗟嬉於側畔不知其嚴且敬也既壯而稍知嚴敬而猶不能勝其恩愛之私也洎於父稱老於家小子頽顛種種唱喏之節浸加修謹而盃酒之間不能無齟齬之習此世間希有之樂也於父乃今棄小子如遺小子何所恃以為生也噫數年之中父母俱歿內外尊屬凋喪殆盡踽踽孤生唯恃於父之在世朝駕而出指城之南形影相弔共加慰勉於父免禫以來眠食靡常小子早衰元精耗敗無論年序俱屬遲暮於父恒憂小子之不善將攝小子亦深憂於父之眠食靡常固不能遠期十年亦不料一朝奄忽如此之

速也噫矧父之於世不可謂不庸而亦不可謂庸也
世之知矧父者蓋絕無而屋有所謂屋有者即吾父
與小子耳吾父於矧父為嚴兄矧父於小子為諸父
父子兄弟之言其能取信於詭訛之俗乎是以小子
欲無言於當世而吾父之器待見於迷作者可徵於
後俟諸孤哀毀少定相與詮次履行為不朽者其
責實在小子矣噫欲無言於當世而冀垂詔於後來
吁亦悲矣矧父將絕握手以訣唯以世道為念勗以
守約則矧父之愛小子深矣其何敢忘也升堂而無
所承事出門而無所適焉則為生樂否蓋可知矣噫

於父之所親而愛之者多在於彼而不在於此視小子生而茹苦稔毒孰悲而孰歡也未老而先衰多憂而少樂若是而其能久於世也耶非不知去來之常數現滅之定理而猶復踴躍摧擗者直不勝目前之痛也遑遑追慕欲從而不得則設此酒食以寓其情而已

祭李舅叅判李公命俊文

岳勢分崑江流祖河源遠而派肢長而峨受姓疇庸數遠而長跡肇李城祚胤其昌啓慶壽後冠冕大東既積而羸惟清江公以崑而岳由河而瀆孕靈產秀

弘庇厥族公能趾美卓矣其立實稟正氣惟義所集
移孝為忠為世貞臣德屈於名名屈於真通籍二紀
淪謫半之才以小見所理之卑遭際旣晏且恤于擠
彼陽浮慕跡乃桺桺胡不以鄉胡不以公似抗而抑
若異而同長孺之直獻可之正持之以質操之以行
羽毛雲霄倘去倘來衆視以隘我服其恢迓公自東
瘠而見骨扶病漉血猶補袞闕氛陰乍開光景昭昭
如鶚摩霄若鳳鳴朝薇垣峻秩亦出 君恩誰謂止
斯卜於善言小子無肖獲知實深非唯甥舅披以腹
心小子不文而微薄技有行必序有居必記昔公卧

病拜於床下強起披索疊疊若瀉莞爾謂我吾將大
歸序次在通狀我母違吾有小齋退思其名為我記
之揭我堂楹文未脫稿公疾已革再往叩之微音在
膈淚懸聲吞死生之決公於死生視若夢幻一晝一
夜物而無間而我之茫未脫罟獲而恃暫倣哭公形
化公化未化公名不朽蓋棺而定天地悠久澤至渥
矣公可以瞑矣我凶頑尚存視聽公又舍我寄我躑
躑未老而衰幾何塵白平生大白庶幾來格百年便
已塞竇無適淺草欲生烏聲啾啾徘徊墟落惟其有

涯

祭判書潘公 頌拜文

惟公名德蔚有所樹事我 中宗若肱而股風流不
泯黃壤無主苔碑蝕螭莎隴毀斧翁主之歲通公門
戶爰卜近兆奉母與父聊築新居亦云鄰塢瞻公之
墓心惕躬偃士感曠世矧非遐古考厥官序以肩我
祖雍門之悲怒焉作苦時載清明冷烟淒雨薄酒菲
詞告以漬土魂若有知必於余取

祭判書徐公 頌文

宣考在宥尚德羅才巨細著職治道以開惟二十載
拔士最茂公洎先人柳川式筵初皆少躋長序踐華

逢國之難奔命靡差公乃歷試勤于南服投之即解
刃不以族譽命之隆作我鄉士既外且內贊我康理
豈云其材器也斯究器以德充秉節惟貞耿耿算赤
六尺可托末命之悲一痛殞魄祭丑之獄言之短氣
恢恢天地合以享爵公洎先人柳川同禍東峽興海
十年拘鎖聖作物覩萬品昭蘇公洎先人復列官道
柳川國舅共承倚范左提右挈寅恭不貳天不憖遺
柳川先去惟聖惡積奉諱斯遽公獨在世七十康強
白髮紅顏志氣俱昌春英會上燁若神人胥豔慕之
蓋伏其真不病而化寔謂歸全古稱公者公即是公

噫噫同德荷知 宣考同歲通籍同沐恩造同受顧
託再入之同出處一貫凋喪亦同去來隨運係于高
穹委乎流坎質于曙闇君知臣報亦既無感今則已
矣小子安放儼然其儀表達攸養毅然其色凜不可
犯確然其操立朝弘範廊廟之具丘壑之姿佐以杯
酒春煦藹垂濟以詠譔弛張不忒之公之懿非余敢
測至尊含恤措紳相吊椽吏赴臨里閭吡叫特書在
史令聞在後子姓嗣徽宜大而久其得於天實厚而
博形合應世形隕反朴峙為山嶽列為辰星繫從
宣考徨徬帝庭公亡其亡昧者之見藐余之痛尚紹

一線恃頑而全浮寄缺陷選凶靡徒觸境怛戢日月
哭奠先人之執逝者滔滔嗟其何及

祭延陵府院君李公好園文

宣考在宥造士其良而用以養畢收厥長龍蛇之縕
國步底僵顛敷之殷實資文章草創潤色翕陰闡陽
東流一語感奮群邦山河紀績班壓文昌幾先孰靜
背郭之堂梅塢竹陂柳逕荷塘昔拜清晤論詩舉觴
談及西湖闡其潛光已跡若冥茫乎惆恍軒裳蛻遺
春德齊殤唯不朽存爛如星芒噫吾先立隣公之歲
惟漢暨柳或呂或楊阡岡鬱鬱江漢洋洋哀此未化

聲遽涕滂

祭吳敬甫 詩文

疇無父子事之孰如君疇無兄弟友之孰如君疇無
君臣無欺孰如君疇無朋交不妄孰如君文而不華
廉而不劌好學嗜書餘事翰墨為數者世所稱才與
德可以得壽得位後嗣繁衍徵之於予奪者而官不
升朝壽不免天抹撥不振血屬又斬豈天畀君以數
者聞於當世傳於久遠而不欲以爵位之倘來生涯
之泡幻累君也耶噫此余求諸理而不得強為之說
者也雖然有馬千乘詎能勝緼袍蓬室哉君之蓋棺

已久世之聞余言者未必謂之誣矣同年而生並世而行交相知之亦不可謂不深化期雖曰參差歸盡只是先後

祭西平府院君韓公

後諱

文

昔公被褐期以廟廊古稱間氣公為大方舍文用武四履是當為國司命繡鉞牙璋歷試未半胡遜于荒十載江潭聊以徜徉化日褰蒙復樹人綱坤極正位育我元良福履之盛家國並昌公顧自少歛而不張庠戶敬廬處之以康一簋一豆不改其常就此恩封洎然深藏衆口騰羨益卜厥祥小子何知亦玷門牆

虛往實歸久而愈在。今來哭奠于公之堂，豈惟我私
邦折其揆，與奪殊乖，莫正彼蒼。

祭錦洲君朴公姪文

余與公不同者多，同者小。生先後之不同也，迹顯晦
之不同也，才器之不同也，趣造之不同也，不同如斯
而生而愛之，歿而悲之，則吾不知不同之中，抑有同
之者耶？行己欲正，不負其心事；君欲忠，不墜其節者，
余與公之所同者耶？不以生之先後迹之顯晦，才器
趣造之為異，而以一二同者為同者，余之知公為不
淺矣。惟其平生不曾與公相切劘，公未必知余之所

存也悲公之死者以父母之在也妻孥之弱也年紀
之尚少也位爵之未滿也世之位不如公年不如公
妻孥父母之無依者何限此不之深悲也余悲公之
志行未大伸於世也公於病中亦所蓄書盡幾軸乞
余一言之題致意拳拳而余病慵坐竦筆研有意而
未孰今而思之為之掩抑季子之劍尚掛於墓枝嗚
呼噫嘻悲哉

祭黃文敏公慎書院文

正大之氣高明之識輔以學問動為士則早譽于朝
直期枉斥朝疏暮黜國是之忒曰從于難贊襄密勿

英猷謹議擬贄倫泌戎成于憾遂擠竄石辨乎重輕
志操堅白神物扶持萃夷敬服甚於河北黨禍之酷
六年竄迹于湖之曲若將終身爭隈爭席士誦其義
民化其德出以際昏終焉賦鵬天道好還聖人乃作
明幽伸屈議謚賜爵猗歟大節遇難而發身沒道亨
孰嗣其烈久而逾伏澤延鄉國于何寓思宜尸宜祝
有燬厥宇杖屨遺躅山光水色宛其如昨一氣昭昭
無往不復矧為吉宅神之攸格寔瞻俎豆生平髣髴
及門者慕聞風者悅興起於斯猶即提挈子孝臣忠
婦和夫睦百世之范報祀梁恪

祭錦溪君朴公 東亮 文

噫噫翊聖之為生悲矣父母棄我矣父母之兄弟皆
逝矣與吾父友善如兄弟者相繼亡矣所恃者唯先
生之春秋不甚高精力無少損而求諸伸屈之理庶
有來復之兆一夕不待奄忽至此噫敵翊聖身以上
者殆無存焉則未化者形何所仰庇矣噫翊聖之為
生其亦悲矣遺篇在壁指澤猶存春流無恙佳期已
誤撫此滔滔曷日而迴

祭晉昌君姜公 綱 文

讀古人書慕古人志繫養以靜神用不匱八十而終

素履無媿雖畀於篤克修而致酒亦有德和氣之至
倚醜揚扈經奧史秘竊矚晚際惟易之嗜畚豕滿窩
卦六十四所好者存與俗人異勲封卿秩實惟芥視
清誨之下若覺我寐今其已矣誰稽於事舉昔日孟
云胡不醉未化者形無從涕淚

祭鄭德餘 百昌文

嗟嗟德餘知子者誰或慕其名或相其皮衆趨攘攘
我實子知外類盛氣中即坦夷而貌也抗而心則卑
惟其難犯是以見竒誅奸以筆董史之遺丹書旣籍
賦東門詞東迹郊垆吟嘯棲遲日夕衡門把酒論詩

二京三唐靡所不窺酷嗜歐王整駕遵達揚扞之餘
傲睨當時網日蓋密邦日蓋危江漢之廣一葦抗之
所屈者身內省不與天道有恒世運推移庶吉彙征
非幸而宜諫掖詞垣儼幕經帷受委于重畿輔維治
四牡巡方拜命丹墀曾未浹旬訃焉如疑玉節繡斧
丹旒素輻借宅都門朋友哭悲病身扶老將何為辭
詢事之故過引孟卮噫此言者非妄則癡吾儕之飲
幾年于茲酒能傷人吾亦殆而子亡詩亡戒之在酏
詩酒道厄達者其嗤同庚以降子憐我衰誰謂子先
令我撫尸嗟嗟德餘而止於斯

祭左議政李公廷龜文

吾父誅友秋浦東岡而數其存公焉抗行降割于遽
頑未殉喪不朽之託而史也良縣都之籍而論也
可以藉手獲施之光公今厭世文與俱亡而誰銘公
銘吾父藏跡以自况昏抑明揚雖係于逢亦能厥常
經國之業夙壓壇場一言悟帝度難于王寔為國萃
非直詞章瑞世之羽鳴噦儀煌終風忽厲霆霹交芒
匪憐匪撓其中則康際晚遇隆位都廟廊公不自有
澹然如忘貌榮騰頌襲薰傳芳祿由自致得全全昌
仁推逮孤怛逝若傷輪灌之餘有馮盈眡西門席次

叨舉壽觴興居亦倦霏屑靡颺神明之扶孰云倏忙
殘生撒花冥行迷方寄趣漸短日覺踽涼去來幻妄
實所備嘗祇是後先如旅歸鄉聊且用情脞盪帷堂
長嗶而辭案有地香

祭領議政吳公 允謙文

温其如玉蘊於中者全藹乎若春被於物者然無論
淵源麗澤之漸蓋惟其涵養造詣之精專獨立波蕩
之中自持雍容而周旋不宰之功而在默延去來之
跡之配前賢噫處斯而求斯邈若神而若命僊僊乎
其莫可追望雲天而迤邐

壯節公鐵像祠宇重修祭文

運訖鷄林祥開青木公乃奮起挈裴提卜應期佐命
雲龍施澤蓋代之勲殉主之節日月常鮮風雷為烈
惟技用神鴻田受籍留此儀形金軀匪隱而顯
春秋牲璧庇有寧宇載祀八百興發以新後人之責
程工量材剗壤易石座右諸公莫稽名迹與公肩以
想皆勲德虔告事由冀並移席翊聖等逖邈先懿凜
乎如昨遙傳祝辭深切感怍不昧者存庶幾來格

祭觀察使洪公

命考

文

人之德有吉有凶以德之吉凶可以占人之禍福而

元老之死也不能無疑于施報之天也噫余知元老
之生非偶然也則其死也詎不闕乎大數也元老生
而美好珠瑩而玉潤稍長才名藹蔚德器尤茂英采
燁發蘊以淵淳溫字豈第操自堅貞弱冠魁甲不以
為榮濁世冗散不以為悴際盛敷華侃然其儀遘劇
裁繁沛然其決至其內行之懿不勉而中若是所謂
執德之吉可以獲天之福而官不過鄉亞年纔踰疆
仕又死於鋒鏑之下尸橫原野其凶與禍何其戾也
噫南漢之事尚忍言哉誠東方數千載所無之大變
也內而百官外而兆民環八區數千里之地無一介

救主之急死主于難而元老奮不顧身涕泣慷慨脫
萬全之城守陷必死之賊數跨驕帥策羸師轉鬪而
前力抗勁敵大勢垂成以功遺人噫以元老之一身
當東方數千載所無之大變獨樹百官兆民所不能
樹之偉節建百代之綱常垂宇宙於大名元老之生
與死豈偶然而無關於大數也人之拘拘於爵祿年
壽以為福見之少也世之享壽考據尊位媿媿與
馴致亂階臨亂負國身名都喪生蒙狗蠅之自死與
草木同腐豈可以此易彼哉有以元老之不得終孝
為悲夫孝子之事親非一道豈惟口腹之養也臣子

於君親以時而相為輕重移孝於忠聖人之訓也而
况 聖明哀元老之死尚元老之節凡所以褒忠揭
烈之典用盡其極而尤軫老母之尚在月致餼稟俾
終其世而疾病醫藥罔不周至君父替元老而養也
為人臣子而得如元老之矣噫余與元老居同里也
又重以瓜葛之誼以余長乎一日以兄視余顧余自
視歆然相與之際期以古人而主辱不死苟寄兩間
負我元老負我元老哭不撫柩莫不以躬文以備之
小洩至恫

祭金叅判 藥文

世方以偽獨保其真世方以駁獨全其純彼自劫劫
吾欲無營彼自誆誆我欲無名惟貞厥趨弗陂弗陵
名論攸歸長德之稱今而蓋棺可謂無怍鄉亞壽下
叵耐鬼惡知之實深感懿之篤漬綿長辭當筵一笑

祭吳承旨端文

頽然其軀恢然其量泐然其迹翕然其望寧欲以名
時發其長用賦視需若得若喪機衡之頗孰云无妄
惟其不盡裕在圭鬯斷金之利於世無兩而程而趨
而疏而曠吾虞已衰子神之王七日不見遽報經杖
固知無常亦何以恙來哭之晚云卜其藏人間大事

朝暮以行六根未淨淚目之釀嗚呼汝擴素以幃障
一氣未泯髣髴臨况

祭李留守景稷文

石門公以留寄江都卒于任所洛中諸友之會哭者
設虛位於空宅余從其後若無憑而悲尤甚也噫公
孝於家忠於國與人有忱誠而頗負氣自豪徃徃酒
間談論風發慨磊落不能下人或面折人人面發
赤不自堪則公於世有合不合也此豈今人態色也
公嘗言吾有師承者三人白沙沙溪暨吾先大夫而
公之於白沙有速肖之稱作人如公者蓋亦難矣翊

聖與公不但有兄弟之義自謂深知公者公處毀譽
之間而余獨終始不敢變也公位正卿矣躋下壽矣
有賢子房矣歿而國人皆以失賢宰相為惜則人之
生且死如公之矣然翊聖聞公之死涕出無從心焉
若擣久而愈甚此情愛所發而然也翊聖乞恩沐浴
扶病而還行過旅殯之所用薄酒菲具一哭而奠之
其辭曰昔登公堂公執我手載笑載語必醉以酒今
來訪公東之一木其儀之凶不歌以哭乾坤蕭瑟草
樹黃落浮雲不停逝水赴壑

祭睦叅判長敘

文

余齒之稚公已騰翔瑞世之儀毓發潛光聞諸長者
期以廟廊今公止斯理亦靡常公畧苛禮進余門墻
少長雖差容我踈狂而沃而灌亦弛以張洎余謝事
公在北方魚鴈無阻孰謂參商公來自北余伏扮鄉
日月其逝竟率拜床俄報之凶一慟神傷公留賢器
卜世之昌公歸之全誰云其亡驅兒代奠一瓣心香

祭李相聖求文


兩家之好世惟無兩儀均骨肉居以鄉黨契許之深
容我踈放徵酒相命意氣豪爽洞然勿隔心絕邪枉
小節不拘大人氣象於其未遘微露翫骸率志而行


而能俯仰亦既發舒彌見其長歷塊一瞬昂霄千丈
寵辱之際觀人狹廣隨遇而安其來若往頓撼之餘
蓋覺神王晚期猶存身世共忘倏其如遺悵恍難狀
哭君子堂丹旒素帳日月言邁將卜出葬一病為崇
竟阻臨壙遣兒代奠菲羞薄釀忽忽忘生茫茫穹壤

祭尹監司塋文

年有不及於君官有不及於君一時聲名有不及於
君一生尊榮有不及於君者多矣達而觀之宜若不
至於深悲痛悼而自君之亡以至出葬心未嘗不悲
且悼蓋以君之所賦年不宜止於斯以君之才地官

不宜止於斯而親老而無嗣吾無辭以慰吾老友也
吾亦亡一壯子餘痛在心以吾之心度吾老友之心
烏得以不悲且悼也吾與君之老親差肩而行今四
十六年矣共閱人間無限事故嬾變無窮灰劫將飛
歷往若冥形影垂盡嗚呼吾及見君握梨栗毚擲嬉
戲之時乃復見君之蓋棺耶竊有感於退之銘馬監
之事而歎身世之支離衰病為崇一卧經時既不能
哭以洩之又不能躬自酹之嗚呼君玉尚格于斯





卷之八

八

八

八

八

八

八